



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU DEMOKRATSKE NARODNE ZAJEDNICE BIH

Broj: 09-07-6-1071/07
Sarajevo, 24. april 2008. godine

SADRŽAJ:

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KANCELARIJSKE REVIZIJE.....	5
Predmet kancelarijske revizije.....	5
Cilj kancelarijske revizije.....	5
Obim kancelarijske revizije.....	5
4. PRETHODNE REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju finansijskih izvještaja Demokratske narodne zajednice BiH i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg i postizbornog finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

- 1. Na osnovu obavljene kancelarijske revizije godišnjeg finansijskog izvještaja utvrđeno je da je Demokratska narodna zajednica BiH prekršila odredbe člana 11. stav 3. Zakona o finansiranju političkih stranaka.**

Na osnovu našeg pregleda, odnosno kancelarijske revizije finansijskog izvještaja, osim gornje napomene nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju finansijskih izvještaja Demokratske narodne zajednice BiH i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Demokratska narodna zajednica BiH je iskazala

prihode u iznosu od 352.268,44 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u Uk.prih. %
1	Članarina	25300	7%
2	Prilozi fizičkih lica	24.850	705%
3	Prilozi pravnih lica	14.600	414%
4	Prihodi od imovine	0	0%
5	Prihodi od pr.lica	0	0%
6	Prihodi od poklona	0	0%
7	Prihodi iz budžeta	312.460	8870%
	Ostali prihodi	10550	3%
	Ukupni prihodi:	352.268	10000%

U godišnjem finansijskom izvještaju Demokratska narodna zajednica BiH je iskazala ukupne rashode u iznosu 387.275,89 KM.

2. PREDSTAVLJANJE POLITIČKE STRANKE

Naziv političke stranke: Demokratska narodna zajednica BiH. Skraćeni naziv stranke je DNZ BiH. Politička stranka je registrovana 16.02.1996.godine u Višem sudu u Mostaru, broj upisa R-14/96. Sjedište političke stranke je u Sarajevu, ulica Hadži Idrizova br. 8. Glavni ured stranke je u Velikoj Kladaši, ulica Sulejmana Topića 7.

Lica ovlaštena za zastupanje stranke: Rifet Dolić, predsjednik,
Hafeza Sabljaković, podpredsjednik,
Ibrahim Đedović, predsjednik GO.

Lice ovlašteno za podnošenje finansijskih izvještaja za 2006. godinu je Raska Ćerimović.
Organizacionu strukturu DNZ prema podacima iz finansijskog izvještaja čine:

- Glavni ured Velika Kladuša,
- 6 ureda, i
- 5 lokalnih izbornih štabova.

DNZ BiH je ustrojena na principu centralnog finansiranja i centralnog vođenja knjigovodstva, odnosno jednog transakcijskog računa. Izuzetak čini opštinski odbor Cazin.

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj Demokratske narodne zajednice BiH za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine.

Cilj kancelarijske revizije je da revizor na bazi finansijskog izvještaja pokuša da ustanovi da li je DNZ BiH u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih .

Obim kancelarijske revizije finansijskih izvještaja DNZ BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i troškove predizborne kampanje.

4. PRETHODNE REVIZIJE

Izvršen je pregled godišnjeg finansijskog izvještaja Demokratske narodne zajednice BiH za 2005. godinu i izdat izvještaj o pregledu sa mišljenjem revizora, nalazima i preporukama revizije da stranka treba postupati u skladu sa odredbama člana 11. stav 3. Zakona o finansiranju političkih stranaka.

Izvještaj o pregledu je stranci dostavljen nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

5. NALAZI I PREPORUKE KANCELARIJSKE REVIZIJE

5. 1. NALAZI

Na osnovu obavljene kancelarijske revizije godišnjeg finansijskog izvještaja utvrđeno je da je Demokratska narodna zajednica BiH prekršila odredbe člana 11. stav 3. Zakona o finansiranju političkih stranaka.¹

Obrasci finansijskog izvještaja nisu popunjeni u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06).

Utvrđeno je da su na obrascima 4-1 godišnjeg finansijskog izvještaja iskazani troškovi upotrebe automobila za rad na terenu u izbornoj kampanji u ukupnom iznosu od 6.465,90 KM, i troškovi lijepljenja plakata, korištenja razglasa na javnoj tribini i sl. u ukupnom iznosu od 1.026,00 KM. Ovi troškovi su trebali biti iskazani na obrascu 4-2 (troškovi propagande). Prema podacima iz postizbornog finansijskog izvještaja iskazani su troškovi propagande u iznosu od 76.060,19 KM, dok je u godišnjem finansijskom izvještaju stranka iskazala troškove propagande u iznosu od 90.896,61 KM.

Troškovi predizborne kampanje

Demokratska narodna zajednica BiH je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 98.388,51 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM² po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH Demokratska narodna zajednica BiH je u svrhu izborne kampanje mogla da potroši 637.784,60 KM.

5.2. PREPORUKE

Preporučuje se Demokratskoj narodnoj zajednici da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- da finansijske izvještaje popunjava u skladu sa Pravilnikom o godišnjim finansijskim izvještajima političkih stranaka, odnosno da postupa u skladu sa odredbama člana 11. stav 3. Zakona o finansiranju političkih stranaka.

¹ Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH, a čiji je sadržaj i forma propisan Pravilnikom o godišnjim finansijskim izvještajima političkih stranaka.

² Član 15.10 stav 2. propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

KOMENTAR:

Demokratska narodna zajednica BiH je dostavila Izjašnjenje na Izvještaj o pregledu godišnjeg finansijskog izvještaja za 2006. godinu, u kome se izjasnila da su propusti prilikom popunjavanja obrazaca troškova tehničke propust i istakla da će u buduće svoje finansijske izvještaje popunjavati u skladu sa Zakonom o finansiranju političkih stranaka i Pravilnikom o godišnjim finansijskim izvještajima političkih stranaka.

Hasida Gušić, šef Službe za reviziju

Sanja Čabrilo, revizor